



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 6 FULAN AGOSTU TINAN 2013

KOMUNIKADU IMPRENSA

Sorumutu Konsellu Ministru nian iha loron 6 fulan Agostu tinan 2013

Governu Konstitusional da-V hala'o sorumutu ida iha loron 6 fulan Agostu tinan 2013, iha sala sorumutu Konsellu Ministrus nian, iha Palásiu Governu, iha Dili, no aprova tiha ona:

1. Proposta-lei kona-ba Lei Imprensa

Sekretáriu Estadu Komunikaun Sosiál hato'o ohin ba iha Konsellu Ministrus Proposta kona-ba Lei Imprensa nian. Lei ida ne'e atu defende direitu sidadaun nian ba hala'o liberdade espresaun no liberdade hanoin nian no mós atu ema profesionál informasaun nian sira bele hetan garantia ida kona-ba segredu profesionál no atu hetan protesaun ba ninia indepenénsia.

Lei imprensa ne'e hakarak atu asegura liberdade imprensa no mós atu promove ekelíbrü ida ne'ebé prezisa entre hala'o liberdade fundamentál ne'e, ho direitu no valór hirak seluk ne'ebé mak prevee ona iha Konstituisaun. Ninia objektivu mak fundamentál liu, atu regula aktividde ema profesionál sira nian ne'ebé mak preparadu ona no iha responsabilidade tuir étika, atu nune'e sira bele sira bele fó informasaun ba públiku loloos no imparsiál no atu fó aten brani ba ema hodi hala'o ninia sidadania ida ativa no esklaresida hosi parte populasaun nian, hodi nune'e kontribui ba sosiedade ida demokrátika.

Proposta kona-ba Lei Imprensa nian aprova ona hosi Konsellu Ministrus no sei submete ba aprovasaun, iha Parlamentu Nasionál.



Palácio do Governo,
Avenida Presidente Nicolau Lobato,
Dili, Timor-Leste

ddigovtl.09@gmail.com
(670) 22 210 608

2. Rezolusaun ne'ebé aprova Matadalan ba Implementasaun Programa Empregu Rurál nian (PER)

Konsellu Ministrus aprova tiha ona Rezolusaun ida ne'ebé mak aprova Matadalan ba Implementasaun Programa Empregu Rurál (PER) nian ne'ebé mak apresenta husi Sekretaria Estadu ba Polítika Formasaun Profisionál no Empregu (SEPFOPE).

PER ne'e, SEPFOPE mak sei implementa ho objektivu ida atu kria postu traballu iha área rurál sira no destinadu atu finansia rehabilitasaun no manutensaun infra-estrutura lokál nian sira liu hosi rekursu ba empreza no maundobra lokál nian sira.

Iha Matadalan ba Implementasaun PER nia laran ita bele hetan konjuntu regra sira atu uza transferénsia pública ne'ebé Orsamentu Jerál Estadu nian ba 2013 fo ba iha SEPFOPE, no destinada ba Programa Empregu Rurál.

Konsellu Ministru mós analiza ona:

1. Dekretu-Lei ne'ebé mak aprova Alterasaun Dahuluk ba Dekretu-Lei ne'ebé Aprova Estatutu Karreira Dosente Univeritária nian

Ministériu Edukasaun apresenta ona proposta ida ba proposta ne'ebé mak altera ba dahuluk Dekretu-Lei nº 7/2012, lora 15 Feveiru, kona-ba Estatutu Karreira Dosente Univeritária nian no ida ne'e sei hatu'o fali ba Konsellu Ministru iha sorumutu oin mai hodi bele hetan aprovasaun.

